



**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Statuitur affirmativa.

---

[urn:nbn:de:hbz:466:1-74152](#)

internos ab externis distinguendos fuisse præcipue ad duplicitis erroris exclusionem, quorum unus fuit veterum Rabbinorum, existimantium, actus internos non esse peccata: Secundus aliorum ex opposito dicentium, actionibus externis nec bonitatem, nec malitiam convenire.

7. Colliges ex dictis. Juxta diversas habitudines & comparationes peccato quoque tribui diversa nomina, quæ tamen ad prædictam definitionem facile revocantur. Itaque per comparationem ad regulam & legem aeternam, cui contrariatur, dicitur prævaricatio, & inobedientia; per comparationem ad finem à quo deviat, sic propriè appellatur peccatum: quia peccatum consistit in actu devianti à debito ordine ad finem propter quem agitur, inquit S. D. suprà q. 21. a. 1. per ordinem ad principium liberum defectuose ope-

ratus dicitur culpa, quia culpa vocatur ratione imputabilitatis, nullâ vero actio est imputabilis in vituperium nisi libero agenti. Per ordinem subjectum vocatur malum, quia privari plenabit ordine in suum finem, si utique omniibus honestis gratia & supernaturalium infusarum virtutum, præterquam fidei & spei. Per comparisonem ad effectum, nempe penam, cui peccatum reddit obnoxium, dicitur reatus, quo nomine intelligitur passiva obligatio ad sustinetionem penam à judice taxatam. Per ordinem ad medium, quo operantem privat, dicitur demeritum. Per comparationem ad DEUM, quem ostendit, dicitur offensa, injuria. Per ordinem tandem instrumenta, per quæ patratur, dicitur datum, re, factum opere, concupitum corde &c.

## ARTICULUS II.

*An omne peccatum sit ideo malum, quia lege prohibitum,*

### S U M M A R I A.

1. Status questionis.
2. Varia leges.
3. Sententia D. Thomæ.
4. Probatur autoritate S. Script. & SS. PP.
5. Probatur ex ratione mali, &c. actus moralis.
6. Exponitur, quomodo actus intrinsecè mali sint prohibiti, quia mali.
7. Actus dissentanei Divinis perfectionibus presuppositivè ad legem concipiuntur mali fundamentaliter, non formaliter.
8. Non tamen potest DEUS in iis dispensare.

### §. I.

#### Statuitur affirmativa.

1. Huius questioni occasionem præbent actus intrinsecè mali, ut mendacium, odium DEI, &c. quos propter intrinsecam & essentialē suam repugnantiam cum divinis perfectionibus, & rectâ ratione existimant Amicos, Vasquez cum Durando, Richardo Lycheto, independente à lege prohibente esse formaliter malos. D. Th. vero hic q. 71. à 6. in c. Albert. M. S. Bonavent. imò & Scorus citatus à Maistro in 2. disp. 6. q. 3. a. 1. docent esse de quidditatâ ratione cuiuscunq[ue] peccati, quod sit contra legem aeternam. Pro eius quæstionis solutione
2. Notandum. Legem dividit in aeternam, naturalem, & positivam. Lex aeterna est ratio divina sapientie, secundum quod est directiva nostrorum actuum in suis fines: Lex naturalis est rectum iudicium humana rationis de viviis, vel faciendis. Lex positiva est, quæ sub expressis verbis est positâ, ea que rursus vel divina vel humana. Lex divina est prima & remota, lex vero humana est proxima actuum humanorum regula. Hoc posito, si
3. CONCLUSIO. Omne peccatum ideo formaliter est peccatum, quia lege prohibitum, adeo ut si per impossibile nulla foret lex prohibens, nullum quoque foret peccatum. Ita Thomistæ ad men-tem S. D. his a. 6.

Probatur primò autoritate S. Script. ubi peccatum appellatur prævaricatio ps. 118. Prevaricantes reputavi omnes peccatores terræ: atqui ubi non est lex, ibi nec prævaricatio secundum A. postolum Rom. 4. ergo si non esset lex, nullum quoque foret peccatum.

Probatur secundò autoritate SS. PP. Nam primò juxta definitionem S. Augustini acceptam à Doct. Angelico, & priori articulo defensam, omne peccatum est formaliter talis proper oppositionem ad legem, eò quod sit contra legem DEI aeternam: sed legе cessante cessat etiam oppositione ad legem: ergo cessante legе cessat etiam formalis ratio peccati. Secundo. Idem S. P. Lib. 2. de consil. Evang. peccatum nominat transgressionem legis. Lib. 2. de peccat. merit. c. 2. peccatum non erit, si quid tamen errit, si non divinitus jubeatur ut non sit. Tertiò. D. Amb. 1. de parad. c. 8. definis peccatum, quod sit divisum legis prævaricatio, & coelestium inobedientiarum.

Probatur tertio ratione. Malum morale consistit formaliter in deviatione à regulis morum, sicuti malum artificiale consistit in deviatione à regulis artis: sed si nulla foret lex, nulla quoque foret deviatio à regulis morum, siquidem regulæ & lex sunt synonyma; ergo etiam, si nulla foret lex, nullum foret peccatum.

Probatur quartò. Non potest actus concipi moraliter malus, priusquam concipiatur constitutus in genere moralitatis: nam species præsupponit genus: bonum vero & malum sunt species moralitatis: atqui sublatâ legi nullus actus est moraliter moralis: ergo celante legi nullus actus est malus moraliter. Min. probatur: si nulla est lex, nulla est habitudo ad regulas morum: sed prout in pr. Tract. ostendimus, moralitas actus humani consistit in habitudine ad regulas morum: ergo.